

BOLETIN INFORMATIVO TOKANTE KOMISHON MANEHO DI NATURALESA BONAIRE

Ordenansa maneho di naturalesa Bonaire

Órgano di konseho legalmente instalá .

E Komishon maneho di naturalesa Bonaire ta konsehá konseho ehekutivo (B.C) tantu riba petishon komo propio inisiativa tokante maneho i protekshon di naturalesa riba e isla. E komishon ta un órgano di konseho legalmente instalá a base di e ordenansa maneho di naturalesa Bonaire. Tantu den e ordenansa komo den e dekretonan di ehekushon di maneho di Bonaire i di parke marítimo Bonaire e tareanan di e komishon ta deskribí. E boletin aki tin un splikashon di tantu e komishon komo su trabounan.

E komishon

E Komishon maneho di naturalesa Bonaire (CNB) ta formá a base di artíkulo 3 di e Ordenansa maneho di naturalesa Bonaire (A.B. 2008, no. 23). E komishon ta susesor di e Komishon ambiente marítimo (Commissie marien milieu) ku entre 1991 i 2008 a konsehá kolegio ehekutivo (B.C) riba terenonan di maneho di e parke marítimo. Komishon maneho di naturalesa Bonaire ta konsistí entre tres pa nuebe miembro apuntá pa kolegio ehekutivo (B.C) a base di nan speshalisashon. E sekshon Maneho di ambiente i naturalesa di e serviso Dienst Ruimtelijke Ontwikkeling en Beheer (DROB) tin na su enkargo sekretariado di e komishon ku ta garantisá e sinkronisashon ku e maneho di kolegio ehekutivo (B.C). E komishon ta konsehá riba pèrmitnan. 80 Te 90 porshento di e konsehonan ta positivo. Tur aña e komishon ta presentá su reportahe

anual. Por haña e reportahe anual riba wèpsait di kolegio ehekutivo (B.C) di entidat públiko Bonaire www.bonairegov.an bou di Naturalesa i Ambiente.

Parke di naturalesa

Ta outoridat di konseho insular pa instalá un parke di naturalesa a base di un ordenansa. Te awor tin instalá e parke marítimo komo un parke di naturalesa. Si ta instalá un parke di naturalesa òf un zona di protekshon rondó di un parke di naturalesa kolegio ehekutivo ta obligá pa pidi konseho serka Komishon maneho di naturalesa Bonaire

Plan di maneho i reglanan di maneho.

Kolegio ehekutivo (B.C) ta manehá e parkenan natural pero por enkargá un otro instansha ku e maneho. A base di un kontrato kolegio ehekutivo a enkargá STINAPA ku maneho di Bonaire national Marine

Park (Parke Marítimo Nashonal di Bonaire) i Nasionaal Park Washington - Slagbaai (Parke Nashonal Washington - Slagbaai). Ainda kolegio ehekutivo tin ku hasi e último aki un parke nashonal pa e haña protekshon legal.

Kolegio ehekutivo ta stipulá un plan di maneho pa un parke natural. Meta di e plan ta; konservá òf restourá naturalesa òf e balornan natural. Tambe kolegio ehekutivo (B.C) ta stipulá regla pa un parke natural. E reglanan ta reglamentá aksesu na e parke, loke ta i no ta permití den parke i protekshon di bestia i mata den e parke. Promé ku stipulá e plan di maneho i e reglanan di maneho kolegio ehekutivo (B.C) ta pidi konseho serka Komishon maneho di naturalesa.

Pa mas informashon konsultá boletin informativo Ordenansa maneho di naturalesa Bonaire.

Daño di perhuisio

Ta posibel ku un persona ta risibí daño a konsekuensha di instalashon di un parke natural, un zona di protekshon òf stipulashon di un plan di maneho, Pa e tipo di kasonan asina tin den e ordenansa maneho di naturalesa Bonaire un areglo stipulá. Promé ku kolegio ehekutivo (B.C) tuma un desishon tokante un supuesto daño di perhuisio ta tende Komishon maneho di naturalesa.

Sortonan protehá

Tipo di bestia i matanan por ta protehá pa tratadonan internashonal. Kolegio ehekutivo (B.C) tambe ta outorisá pa apuntá bestia i matanan ku ta bini na remarke pa protekshon. Ademas kolegio ehekutivo (B.C) por stipulá reglanan apart pa e sortonan

ku ta bini na remarke. Promé ku kolegio ehekutivo (B.C) tuma un desishon ta pidi komishon konseho. Den Ordenansa maneho di naturalesa Bonaire tin stipulá e manera kon ta protehá e sortonan. Bou di sierto sirkunstansha kolegio ehekutivo por eksonerá e stipulashonnan. Pa esaki tambe kolegio ehekutivo (B.C) ta pidi promé konseho serka komishon.

Pa mas informashon konsultá boletin informativo Palu i bestianan protehá.

Sortonan no protehá

Ordenansa maneho di naturalesa Bonaire tambe ta outorisá kolegio ehekutivo (B.C) pa stipulá regla tokante yagmentu riba i kaptura di tipo di bestianan ku no ta protehá. Tambe regla tokante kapmentu, snuimentu, distrukshon i eliminashon di matanan ku no ta protehá. Esaki tambe ta konta pa kombatí bestia i matanan ku ta dañino pa naturalesa òf balornan natural. Den tur e kasonan aki kolegio ehekutivo ta pidi promé konseho di komishon

Pèrmitnan

E ordenansa ta kontené algun prosedimentu pa pidi pèrmit òf eksonerashon. Den tur e kasonan aki kolegio ehekutivo ta tende komishon promé ku tuma un desishon. Kolegio ehekutivo, bou di sierto kondishon por anulá e pèrmitnan. Den tipo di kasonan asina kolegio ehekutivo (B.C) mester duna tempu pa duna su konseho. Pa mas informashon konsultá 'Boletin informativo tokante prosedimentu pa pèrmit' ku ta un boletin spesial riba e tópiko aki.

Reportahe efekto riba medio ambiente

Tin aktivitatnan humano ku por okashoná daño severo na naturalesa òf balornan natural òf na parkenan natural. Kolegio ehekutivo (B.C) den dekreto maneho di naturalesa Bonaire a menshoná 26 di e tipo di aktivitatnan aki. Pa ehersé e tipo di aktivitatnan aki mester di un pèrmit di kolegio ehekutivo (B.C). Pa balotá e konsekuenshanan di e aktivitatnan aki ta nesesario pa traha un reportahe di efekto ambiental. Promé ku kolegio ehekutivo (B.C) tuma un desishon ta tende Komishon maneho di naturalesa Bonaire. Ademas ta forma pa tur reportahe di

efekto ambiental un komishon di eksperto (komishon reportahe efekto ambiental) banda di e Komishon maneho di naturalesa Bonaire. E komishon tin un ròl diferente den e prosedimentu di efekto ambiental. Ta legalmente preskribí pa tene un evaluashon di e konsekuensianan real. Si resultá ku mester bini reglanan adishonal preskribí pa lei pa redusí daño na ambiente komishon ta duna un biaha mas konseho.

Pa mas informashon konsultá boletin Reportahe efekto riba medio ambiente

.

E boletin informativo aki ta kontené un reprodukshon kòrtiku i liber di e disposishonnan legal. Den kaso di un konflikto bo no por basa bo mes riba e publikashon aki. Den un kaso asina konsultá semper e leinan i e areglonan.



Kolofon:

Boletin informativo Medio Ambiente i Naturalesa nr 0111 10P
yanüari 2011

Identidat Públiko Bonaire
Dienst Ruimtelijke Ontwikkeling en Beheer
Sekshon Medio Ambiente i Maneho di Naturalesa
Kaya Amsterdam 23
Kralendijk
Tel: 717 - 8130
Faks: 717 - 6980

www.bonairegov.an